

光緒丁丑禁

樂府合用百子山

尊道書院存板

續修樂亭縣志序

甚矣修志之難也智自服官江

皖捧檄畿輔歷任名都大邑所
至必參稽志乘爲輔治之資求
其簡核詳贍如康對山之志武
功陸稼書之志靈壽百不得一

焉其故何歟蓋居官者多簿書
鞅掌鄉先生或未諳體例不得
已延致他邑人士以主其事以
故采訪則半屬傳聞摭拾則每
多失實甚矣修志之難也樂亭
史香厓先生以名孝廉隱居不


仕生平著述甚富尤究心於鄉
邦掌故同治八年己巳冬 湘
鄉相國總制畿疆開禮賢館邑
令以 先生薦 先生因以所
撰樂邑志稿呈 相國相國有
釐正舊例體裁尤雅之褒越明

年庚午 合肥相國代曾公督
直開局保陽奏聘貴筑黃子壽
太史纂修畿輔通志太史急寓
書邀 先生先生以道遠親老
辭因索樂亭志稿送局備采蓋
先生之才之學之識爲當代

大君子所推重如此光緒二年
丙子智奉飭修永平府志就近
延先生開局郡城遂將樂志
取還酌撥府局捐款數百金付
剗劂與府志同觀厥成誠快事
也先是邑令蔡少川陳序東兩

明府皆欲捐資梓行而卒中止
遲至於今始蕝厥事蔡君古矣
陳君現宰樂城聞之能不慊然
於心而幸夙願之償乎夫修志
不難而難於得修志之人先
生以邑人而修邑志其見聞之

確必百倍他人一切凡例折衷
至當吾知是書出必能信今傳
後不僅武功靈壽三志擅美於
前也因綴數語弁諸簡光緒三
年丁丑十月朔直隸永平府知
府新化游智開謹序



樂亭縣志

修輯姓氏

總裁

誥授朝議大夫永平府知府

游智開

湖南新化人舉人

欽加同知銜前樂亭縣知縣

蔡志修

浙江松陽人監生

欽加同知銜賞戴花翎署樂亭縣知縣

陳以培

安徽合肥人軍功

欽加知州銜現任樂亭縣知縣

顧肇墉

浙江錢塘人監生

監修

樂亭縣儒學教諭

單宗張

保定安肅人恩貢生

樂亭縣儒學訓導

紀堪誥

河間獻縣人舉人

樂亭縣志

卷首修輯姓氏

一

督刊

樂亭縣典史

榮桂

蒙古人監生

編纂

吾器國史館議敘知縣邑舉人

史夢蘭

參訂

四品銜候選同知邑增貢生

李潤霖

採訪兼校閱

揀選知縣邑舉人

王紹玉

候選訓導邑歲貢生

張山

候選縣丞邑廩貢生

趙建邦

候選直隸州州判邑拔貢生

楊兆琦

邑 增 廣 生

葛觀光

採訪兼分繕

灤州廩貢生

王宸藩

邑 處 士

倪積義

採訪

孝廉方正邑歲貢生

石奉元

奉天府學教授邑進士

于宗翰

河間府學訓導邑舉人

王樹屏

邑 舉 人

張鳳翔

樂亭縣志

卷首修輯姓氏

二

邑 舉 人

韓國樑

邑 舉 人

徐元瑞

候選直隸州州判邑優貢生

闕潤章

郡 增 廣 生

李敬修

邑 廩 膳 生

楊殿一

樂亭縣志目錄

卷首

凡例 辨譌 圖

卷一地理志上

沿革 疆域 山川

卷二地理志中

屯社附村莊 街市 風俗 古蹟附邨墓

卷三地理志下

記事

卷四建置志上

樂亭縣志

卷首目錄

一

城池

附民堡舖舍養濟院留養局公署 附同人館

卷五建置志中

學校

附書院義學學田義學田 上諭鄉約所

卷六建置志下

壇廟

附寺觀 津梁

卷七職官志

縣職 儒學 佐貳 場官 營員

卷八選舉志

薦辟 進士 舉人 貢生 職員附附監與考職例監

武科附營衛出身 封廕

卷九人物志上

宦望 鄉型 忠烈 文學

卷十人物志中

列女上

卷十一人物志下

列女下

卷十二食貨志上

戶口 田畝 賦役 經費 倉儲

卷十三食貨志下

鹽政 物產

樂亭縣志

卷首目錄

二

卷十四武備志

營制 附民壯 海防 附海運

卷十五雜志

逸事 叢談

卷末

舊志序跋

凡例

一志者史之一體然其中有土地有人民有政事紀綱具備是一體而該史之全焉樂亭舊志綱分十二目五十振裘挈領有條不紊茲因其舊而修之損益并分務期折衷至當不爲苟異亦不爲苟同綱之十二者省其四目之五十者省其九事之不能獨立一門者各以類附於目中而又先標正目附目於卷首庶使人便於檢尋一舊志以星野列於職方是猶漢書併星野於地理志之例視卷首另立天文一門者善矣史記括黃帝以來故代非各有一天無庸復志其說具劉知幾史通書志篇國史如是縣志可知第分野之說以

樂亭縣志

卷首 凡例

三

二十八宿割屬九州前人已多聚訟幽燕之分或云尾箕或云析木而春秋元命包史記諸書又有箕不及尾尾箕不及斗之說以幽燕而占尾箕析木已涉疑似况止幽燕所屬一縣之地乎舊於星野之後附錄星占於縣境毫無指實殊令人開卷茫然今悉裁之有識者當不河漢斯言也

一舊志沿革牽於分青州爲營州及堯時青州當跨海而有遼東之說遂東北極營州所屬西南極青州所屬悉捨入境內將縣境說成千有餘里轉不能確指縣境爲何地且世紀列前沿革列後沿革未明世代何據先繼

亦屬倒置今冠沿革於地理之首列紀事於地理之末務期事與時合人與地符雖不敢謂及繁正譌然假借附會者尠矣

一舊志形勝載有八景並錄八景詩於藝文志

一鳥窺祥雲一地呈

半月一灤江春漲一海閣朝暉一蓮塘瑞藕一古店甘泉一洋拖綠帶一波漾長橋

夫志必有景

景必以八八景詩必以七律最爲陋習樂邑八景率屬勉強湊合志猶史也乃如賦家侈談子虛以無爲有可乎况題詠復多濫存尤令人生厭 國朝縣志之善莫如陸稼書先生靈壽志乃獨不立八景之名亦遵武功志例也茲比其例而刪之閱者幸勿怪焉

樂亭縣志

卷首 凡例

四

一舊志世紀一篇採摭古事大抵簡節全文參以己意故皆不著所出於遼金之事俱以宋紀編年亦綱目重統系之義但斯地在宋未會一入版圖志與史各有所重何必泥紫陽書法多生枝蔓乎茲紀事所載悉照原文並著所出何書以期徵信

一文廟神位載在會典天下通行原非爲一邑而設一邑之志似無庸觀縷細書然壇廟寺觀尙加考辨而於 文廟配享從祀諸賢反從其略殊覺輕重失宜特舊志所列東西位次多有紊亂茲悉照會典釐正並據闕里文獻志大成通志諸書將先賢先儒之鄉貫世

代及配享從祀之年一一分載以便考核亦飲水知原之義也

一舊志以古蹟寺觀敘雜志中此明韓浚嘉定縣志所見譏於四庫全書提要者謬誤相承尤爲疎舛茲遵康對山武功志例將古蹟歸地理門寺觀歸建置門至雜志中所錄災祥蠲賑諸事則按年敘於紀事之中以省繁碎

一舊志官廨橋梁及一切建置昔有今無者並載但就本條之下註曰久廢以志滄桑之感今依之而青灤故道例亦準此

樂亭縣志

卷首 凡例

五

一舊志於官師外復志名宦並於名宦內附載武勳凡明靖難時趙彝郭亮吳買驢諸人盡行收入無論諸人爲永平守將與縣境無涉卽論其人亦無足取在成祖爲功臣在惠帝爲叛逆府志旣載縣志又何須添此贅疣殊失斷制茲改官師志爲職官志職官之有善可紀者卽分列於題名之下省卻名宦一門趙彝諸人概從刪汰

一舊志人物首列先哲一門自伯夷傳下錄田疇段匹礪竇瑗怡峯田宏正陽惠元周寶七傳樂邑爲孤竹故墟清聖自可借以爲重至若竇瑗封新昌男怡峯封安平

侯雖於邑境稍近然亦不能實指爲邑人彼無終之田疇鮮卑之段匹磾更無論矣茲將清聖事蹟列紀事申其餘概從刪削內分宦望鄉型忠烈文學列女五目斷自金始以金始置縣故也

一舊志列女分貞節壺範二門其制亦允但壺範寥寥與貞節多寡不稱蓋女子無非無儀非貞烈固難以自見也茲將列女統列於人物之末照世代先後序次不復區分門類以省煩碎亦史家列女傳之例也

一生存者不立傳蓋棺論定之義也節婦年分合例宜旌者不在此例

樂亭縣志

卷首 凡例

六

一舊志人物內之王積善選舉內之傅登雲傅登衢皆係漢軍旗人蓋漢軍在國朝以前本係民籍聚族於茲歷有年所今文武科目又復接跡連鑣而貞婦孝娥當亦不少故一例收入以免向隅

一史之志藝文昉於班固漢書然止列各家著作卷帙也明人作志乘輒以散碎詩文充之其體實濫觴於樂史寰宇記後世相沿遂以成例茲以散碎詩文有關本地事蹟者分附於各門本事之後而諸家著述已見其人傳中故不復立藝文一門

一舊志選舉門附載考職監生及庠生援例者俊秀捐銜

者不與邇年來軍營銅局捐例多端冠蓋相摩益難備載茲仍照前例一概不入惟捐銜會荷封贈者則載其所封贈之人

一舊志大綱小目各有序論誠羅鄂州所謂儒者著書具有微旨不同鈔取記簿者也其制最善茲因時勢既殊體例有異不能不酌爲變更然革者半因者亦半前書具在自可覆稽不復分別某爲因某爲革至卷中按語本舊志者則以舊按二字別之不欲受古人之欺亦不敢掠前人之美也

一舊志之修迄今已百有二十年矣其間陵谷之變遷建

置之興廢文章人物之流傳當志者既多不能徧志者必不少茲謹就見聞所及參之史冊增輯成書雖不敢襲謬承譌而挂漏誤舛之譏亦所不免博雅君子尙其匡正而教益之

邑人史夢蘭識

辨譌

一世紀引孔安國堯時青州等語按書傳孔安國作安國漢人書疏孔穎達作穎達唐人此疏中語非傳中語以穎達爲安國誤

一世紀篇引左傳燕齊盟濡上事按濡水有二禹貢錐指曰一音人朱切出涿郡固安縣東南流至范陽縣合易水入河春秋昭公七年齊燕盟於濡上卽此水一音乃官切讀若難從塞外來東南流至衮縣碣石山入海卽今灤河舊志援引齊燕行成之事入世紀中且駁左傳杜註之誤杜註云濡水出高陽縣東北至河間鄭州入

易水孔疏云今按高陽無此水未知杜言何據是杜註之誤穎達已疑之矣但左傳明言齊侯次于號燕人行成號在今滄州境鄭在今任邳境其地相距不遠燕人旣行成於號當不復越數百里而盟於今灤水之上宋分高陽地置順安軍金爲安州元以後因之姚培謙曰濡上當在今直隸安州任邳之間其說爲近

一世紀篇引海陽侯事按漢書功臣表云孝景四年哀侯省嗣十年薨亡後哀侯省者乃播母餘曾孫之名以四年封非以四年絕舊志云景帝四年海陽侯絕國省改爲海陽縣府志因之是誤省爲省併之省并其年亦誤

矣高帝在位十二年而崩功臣表云五年卽皇帝位八載而天下平論功定封訖十二年侯者百四十有三人此蓋言高帝所封之侯自始訖終凡若干人今府志云高帝十二年封搖母餘爲海陽侯是又誤讀史文矣

一世紀篇云漢永元十六年復置遼西部都尉按後漢書和帝紀永元十六年復置遼東西部都尉官註西部都尉安帝時以爲屬國都尉在遼東郡昌黎城也據此則西部都尉乃遼東官屬此云復置遼西部都尉變易史文殊爲舛謬漢書百官志亦無部都尉之名

一世紀篇引慕容霸軍至三徑事按魏書海陽縣有橫山

樂亭縣志

卷首 辨謬

九

卽三徑之地陁作徑誤

一世紀篇引隋軍出溟海事按隋書本紀煬帝伐高麗左右各十二軍左第一軍出海寘道海寘縣名屬樂浪郡於此地無涉舊志引作左第三軍出溟海誤

一世紀篇引金罷平州椿配鹽課事按椿配當作椿配府志因之並誤

一世紀云元至順元年賞西城軍士於灤按元史文宗紀西域軍士居永平灤州者人給鈔三錠西城當是西域之謫府志因之並誤

一人物引魏書竇瑗傳作遼西洛陽人按洛陽當作陽樂

一 張昇傳云其先定州人徙平州樂亭按元史止云後徙平州無樂亭二字舊志殊屬臆增元之永平路在唐爲平州至元已無平州之稱元史蓋沿古稱也縣北五里相傳有張昇墓其爲邑人與否不可知然昇固崇祀名宦矣以鄉賢而祀於名宦此又何說

一金齊陶傳云壽昌間監酒務按遼金俱無壽昌年號遼道宗改元壽隆昌字當是隆字之譌陶係遼人入金者又世紀篇引遼壽昌五年事府志因之並誤

一 寓賢內有齊陶黃贊按陶傳自其祖父已定居於此何得云寓贊江西人爲省父來樂未幾卽奉父骨歸與流寓於此者不同入之寓賢亦未安

樂亭縣志

卷首 辨譌

十

一 古蹟引水經注云濡水從塞外來東南過遼西令支縣云云按此是經語非注語水經漢桑欽作注魏酈道元作舊志所引經與注混者甚多

一 古蹟引魏志武帝征蹋頓時築城以居曰蹋頓城按魏志武帝本紀征蹋頓時並無築城之事疑不足據

一 雜志謂東嶽藥王爲典禮所不載與真武並附寺觀內按會典東嶽神列羣祀中藥王卽先醫真武卽北極佑聖真君俱列祀典舊志云典禮之所不載殊爲失考

一 藝文內載王尙書逐客文一篇其文甚佳但此係修志